

## Yeshua: mi Yudansa!!!

Awor Felipe a **buska i haña** Natanaèl i a bis'é: "**Nos** a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

**Yeshua; Jesus di Nazarèt: e Lei di Dios Tata!!!.**

"No tin ningun manera e **Dios di Jesurun**, **Kende ta kabalgá dor di e shelunan pa Yudabo**, i riba e **nubianan** den **Su Mahestat**. **E Dios Eterno** ta un **Refugio**, i abou e **Brasanan Eterno** ta; i **EL** a kore ku e **enemigu** for di bo dilanti, i a bisa: '**Destruí!**' Asina **Israel ta biba den Siguridat**, e **Fuente di Jakòb**, solitario, na un tera **di mainshi i Biña Nobo**; tambe **Su Shelunan** ta laga serena kai. **Bendishoná bo ta, O Israel**; ken ta manera bo, un **pueblo Salbá pa SEÑOR**, **Kende ta e Eskudo di bo Yudansa** i e **Spada di bo Mahestat!** Asina **bo enemigunan** lo krep di **miedu** bo dilanti, i **lo bo trapa** riba **nan lugánan haltu**." (**Deuternomio 33:26-29**).

**Yeshua; Jesus di Nazarèt: di Kende e Profetanan di Dios Tata tambe a skirbi!!!.**

Krea den mi un **Kurason Limpi**, O **Dios**, i **Renobá un Spiritu Rekto** den mi. No tirami for **di Bo Presensia**, i **no kita Bo Spiritu Santu for di mi**. Dunami atrobe e **Goso di Bo Salbashon**, i **Sostenémi** ku un **Spiritu Boluntario**. E ora ei **lo mi siña transgresornan Bo Kamindanan**, i **pekadónan** lo **kombèrtí na Bo**. (**Salmo 51:10-13**).

Ta kon Felipe por bisa: "**Nos** a haña **Esun di Kende Moisés** a skirbi den e **Lei i di Kende e Profetanan** tambe a skirbi. Ta **Yeshua; Jesus di Nazarèt**, yu di José."

**Felipe por bisa esaki pasobra:**

**Yeshua ta e Dios di Jesurun.**  
**Yeshua ta e Dios Eterno.**  
**Yeshua ta e Siguridat.**  
**Yeshua ta e Brasanan Eterno.**  
**Yeshua ta e Fuente di Jakòb.**  
**Yeshua ta e Biña Nobo.**  
**Yeshua ta e Eskudo di bo Yudansa.**  
**Yeshua ta e Spada.**  
**Yeshua ta e Presensia.**  
**Yeshua ta e Spiritu Santu.**  
**Yeshua ta e Salbashon.**  
**Yeshua ta e Kamindanan.**  
**Yeshua ta e Spiritu Boluntario.**

**31 mart 2019**

**Sea Bendishoná yena ku e Amor di Dios Tata; Yeshua Mesias**  
**Rev. Remsly L Riley**